



天延閣贈言集卷之二

宣城梅

清淵公輯

同男

季周天章

松齡貞汝

鍾齡鳴汝

季蔚蔚汝較

過宣城奉贈瞿山年門兄

崑山徐元文

立齋

宛陵溪水碧潺湲才子蕭齋寄討論吞吐煙雲驚北苑
苑卷舒珠貝動西崑牀連京國人何遠信斷鄉關意

自存此日相逢獨有慰漢廷對策待公孫

奉贈淵公老年兄計偕

西陵丁

彭飛濤

臘月流澌送客時孝廉船發未嫌遲子真後胤多仙
氣摩詰前身豈畫師馬首盡看燕地雪鶯聲先報上
林枝十年懷裏凌雲賦蚤晚應逢 聖主知

承淵公先生招飲適以事阻作此致謝時淵翁

北上

閩中魏

憲惟度

五簋申盟豈待期風塵不解笑支離庭虛一榻誰驚
座馬縹雙輪獨倚籬明月東城疑對面白雲高閣苦

相思春明花發盧溝上多載醇醪一寄詩

戊申花朝酬淵公親家留別之作時小孫丁璉

應試楚黃

楚黃陳世昌 鐵潭

關情兒女喜相尋執手遲遲意自深花放秦淮人欲
去雲馳楚嶺望難禁新詩把酒酌今夕故友還家繫
素心潦倒幾回難話別應憐孤調少知音

已酉七夕與淵公讌集百尺樓感賦

陳世昌

敬亭千里隔黃州何幸絲羅結鳳樓兒女各完禽向

累詩歌共醉鵲橋秋一天青眼空河漢半世紅塵逐
馬牛興發莫嫌今夕永巧雲應爲客星留

丁未仲冬重過宛陵訪友有感賦呈淵老親家

陳世昌

人情近日更何如不遇屠龍不下車東壁豈能分照
乘壑舟終自負泥塗琴惟鍾子稱知己瑟到齊門悔
曳裾幸有故人懸榻在鳴榔好過孝廉廬

二

湖海元龍一舫寬幾年喪亂滯江干遊來是處生春

色到此方知有歲寒敢謂素心逢世易還將青眼看
人難可憐不少雙飛翼誰使南枝遶夜闌

百尺樓和梅瞿山韻

滌岑陳

焯默公

不施緹錦不雕鏤風味居然第一流油幕自題新句
滿匡牀時看異人留侍兒已足名來夢辭客誰能號
倚樓爲笑疎狂贅叟在臨高頻許聽伊州

贈梅瞿山

有引

謝余以他事來宛得晤瞿山先生先生素未相
識也深情古道傾蓋如故感極而鳴作此志

南州黃六鳴

子正

吾道久寥寂大雅誰見收浪迹來宛陵悲哉敬亭秋
良晤有君子逸致超群流才名司馬敵識度臥龍儔
朗懷抱春暉藹氣迴寒飈陳蕃榻豈慕魯連書獨優
還沽鬱金酒爲洗驪驪愁微躬殊自賤高風那可酬
醉中爲起舞一嘯撼滄洲

奉酬瞿山先生見贈之作

雄縣馬之驪

旻徠

文章載道義其事通神明異域雖云長志合還相親
驪也生北地浪跡隨風塵耿耿懷以遙寤寐江南春
小仕臨江都職司承問津物色當徵車竊比儀封人

夙聞古宣州大雅尤不群市門有遺胤抗步追堯臣
紛紜作者才著述皆精純說詩稱鹿裘正字推誕生
繼起代未已啓秀乃在今卓哉吾瞿山蚤年爲國賓
高文彌海內莊誦傳鄉鄰尚憶驪當年私述得所承
半公君執友前歲來河濱甚稱瞿山賢甚道瞿山仁
瞿山今過我果慰仰止心爲我作書畫爲我陳歌吟
鄙吝旣以消砥礪從茲新乃知芥魄意能協山水育
景真跡叔夜子敬才羊欣古道良不虛千載以爲盟

丁未中秋別瞿山年道翁兼謝詩畫

晉安黃肇熙 憶溪

相憶瞿劬久真能見此朝雙瞳秋水上尺幅嶽雲遙
藥椀憐余慣詩筒負爾招何當分手去白露正蕭蕭

二

飄然同落葉偶聚響山斜秋夜偏多雨名園卽是家
逢君寬病眼展墨粲心花河上流雖漲遲迴問去艖

已酉冬日辱淵公年兄公車過訪以古歌墨妙

見贈賦此志謝時出維周門兄寄余札並深懷

思

龍眠姚文燮 羨湖

瞿劬人獨秀詩畫擅當時名老年方壯交深好豈私
珠光傾月色松影遞秋思十載襟懷俗風塵遠墨池

二

每訝同年客君還滯孝廉艸今移謝眺花正艷江淹
史館人方稱群才爾獨兼笑余鞭着蚤霜逼吏髭髯

三

屠子豈高蹈憑君尺素看病還新令怯貧竟出門難
沙路經行夢秋山獨臥寒數行知已淚勉強問平安
庚戌中春淵公老年親臺以一詩一畫言別集

句三章次韻

泗濱施端教 匪莪

此地胡為別

鄭谷

離筵費短吟

皇甫冉

莫回臨去首

楊

裕微得話前心

李中

旅夢春將老

劉滄

無言意自深

劉長卿

賈生三載住

黃滔

何處點靈襟

趙彥瞻

二

讀君纔五字

吳融

誰伴使君吟

許棠

只此詩中意

錢

起應知別後心

劉長卿

冥心遊象外

朱慶餘

留意感人深

唐明皇

且入君懷袖

孫逖

相看意不禁

耿煒

右謝詩箋

三

一幅臨岐畫

張泌

淋漓索苦吟

于鵠

暮帆猶在眼

劉長

鄉山水不離心

朱慶餘

足下風塵滿

李義

階前衆壑深

孟浩然

賞心猶未已

庾承休

促別感離禁

王綱

右謝書

戊申春仲客宛上得晤淵公老年世長兄感賦

四首

龍眠方育盛

與三

我來君適出舟楫錯河濱

余抵宣之日淵公往江寧

不去敬亭客

能歸白下人愁多歡見面酒熟媚當春共醉看雲鳥

應嗟離合頻

二

回憶壬寅夏秦淮君客居我纔歸塞外人各認生初
淚盡龍荒見詩成鶴表如淵公與同人爲別來還幾
歲池艸夢誰疎

三

廿載別君弟論交實更先黃池看舊屋白社結當年
已丑從先君在黃池倪方好友公皆分處新詩孰共傳
與素五盤桓最久
何時星再聚酬唱落花前

四

我父論文重君家兩弟兄不徒時譽望原自世交情

令祖通州公與先祖
太僕公同譜至交水木遠多思人琴痛有聲悲歌
斯當哭熱淚向江城

短歌賦達淵公先生

邗江張 昭 九宣

城東每過天延閣閣內雲林晴漠漠仙家常說市門
人先生逸思翔寥廓作畫論文妙入神胸中真見羅
丘壑朝來醉墨紛模糊爲我立掃枯木圖飛煙平切
斷石壁峯巒直聳勢絕殊座中驚倒齊迴顧張子翩
然引高步望蜀還開得隴心拂縑更請蒼松樹或以
幽石點山根或以山翁向山路攜去秋風起色長還

同騎鶴上維揚興來若奏宗文操昭亭直引對焚香
瞿山年翁招同張萼公丁聖音看菊天延閣卽
席賦謝兼索詩畫
海陵許光震 電青
晚菊經寒秀滿枝奇葩種種弄幽姿花綠勸客香爭
送酒爲論心醉敢辭吾道干城推古宛同年兄弟軼
今時更誇詩畫瞿山妙尺素零縑肯浪貽

酬淵公年兄贈畫

許光震

宣州墨妙秀躋攀客裏逢君照客顏攜得雲嵐過江
去海門青接敬亭山

丁未春都門梅瞿山見貽墨妙輒成四絕奉答
兼寄祖命方鄴 濟南王士禎 阮亭

瞿硎山色近陵陽遙指松毛萬疊蒼中有仙人號梅
尉閒披磨衲坐焚香

二

北樓遙憶碧雲間謝眺詩中夢往還今日老瞿圖畫
裏依然蒼翠望寒山

三

鳥哢屏風明鏡開青谿水色碧潌泐琴高三月登春

網一日谿頭醉一回

四

年來八詠憶休文
畊塢先生袂又分
賴是謝家團扇上
相思爲畫敬亭雲

口占謝淵公寄畫

青原弘旡 无可

白雲如帶作南屏
臺下孤峯林杪青
更令老松扶屋壁
因風呼起石頭聽

題畫贈淵公老年兄

晉陵莊罔生 澹庵

紫鳳巖棲舞翩長
翩躚已復映脩篁
上林春暖飛鳴

日應念名山舊艸堂

展玩淵翁筆墨嘆賞而爲之贊

古琅陳世祥

嶄然攫天豈凡木
伍不以雷霆而作風
雨想落筆時有神者
護叟叟泠泠展卷可遇
一千里非遙掃於咫
尺有林泉情無筆墨跡
思清格老今豈有儔能
師造化我日營丘二疊
嶂危峯孤秋遠空以謝
幼輿置丘壑中老樹倚
巖欲墮復起萬籟不聞
水聲在耳三薄暮烟雲
深秋林意蒼莽林下寂
無人煙雲自來往

煙雲不在天出諸吾一掌想見高人心奇懷寄遙賞
四 我有盈尺紙博君萬里山想可弄餘墨隨意寫荆

關^五 錫余墨寶何同與浩氣向山中余可以老^六

賦贈淵翁年兄
竹西王 轂^椒 郤

昭代文章伯前身詩畫師都官傳舊德宛水發新枝
鴝鵒香生硯芙蓉艷譜詞到來頻問字泚艸近江籬

二

鄴郡多才士君才更絕倫半溪殷浩宅四座孔融賓
白雪歌遲月青山寫贈人莫辭婪尾盡傾蓋意偏親

寄淵公先生
九峯本月 旅庵

睽違當日久臨頽意何申最好垂紅蓼難期過白蘋
幾重溪遠隔數片樹常鄰有句懷梅福和煙染翠筠

仍韻酬瞿山見懷之作
礪影俞 綬^{去文}

雪靜梅花屋寒香不出村溪邊弋鴈影雲外墮霜痕
檐曝沈沈黯流澌漸漸喧春泥融細路何幸一過存

天延閣夜酌 庚戌季春 俞 綬

瓊島花殘帶艸長竹萌饌玉籜痕香攜將易水葡桃
綠^{淵公甫} 歸自北 話到江南柳絮狂薄醉欲眠慳酒戶微言

不盡領詞場良宵正是關風雅天上星辰自渺茫

天延閣看菊

俞綬

聞道移舟帶月來夜蘭猶自護莓苔置將萬卷圖書
列併與中黃紅紫開晚節賸香寧免瘦秋光行盡且
飛杯莫須更問東籬客一陣西風野圃栽

三月二日瞿山見顧問疾

俞綬

花開欲罷惜花飛荔薜春深春已微病士正思被襖
日好風先爲款柴扉新聲藏碧如簧盡肥綠叅天著
黛圍珍重眊夫良服食呼兒臨水送將歸

畫屏歌

有引

駱君振先世善爲小兒醫而性通脫好泉石
翰墨今年夏治疹吾友瞿山氏家爲起一女
一孫瞿山旣深德之又心計阿堵物非所以
酬乃手繪一屏以贈而屬余輩作之歌從其
好也余故嘗慕陸太宰割畫報醫事而目邁
適合輒爲數言題首以志一時之雅舉

俞綬

駱君夙饒煙霞癖采藥時着幾緗屐喬林深篠簳然
過瘦栢屏松大尋索石室老瞿恣清狂倪迂黃癡相
頽頽疎蜜煩簡各有妙黠澹經營難測量自云解人
不易得真贗參錯人爭藏如今放筆爲此障此君位

置還相當咄咄怪事良不一老瞿翻醫泉石疾寶之
應傳所自然駱君兒醫老瞿筆礪叟作此歌誰當繼
其聲慎毋令觀湖道士易吾幟

畫屏歌 有引

瞿山先生既登太岱神周八極目行萬里天下山川不足多也乃以墨妙貽酬振先且致書觀湖爲之詩因飲酒而歌以報瞿山

觀湖倪正 方公

員嶠方壺鶴來去我欲飛遊出塵霧礪瞿忽上太山
巔望中先見虛無路太笑驚奇動紫庭九州錯出芙蓉

蓉青擲筆三危飽黑水興酣一掃圖仙靈城西先生
通玉冊神禁全生真異絕越人當日在咸陽說似於
今無少別舉圖貽列城西堂恍惚遙空嵐氣香捲簾
客至自雲外杖屨茫茫悔八荒觀湖瞿礪傾百斗雲
房石室看皆有停風不用海天行好共分爐向林藪
城西先生何所憂城西先生何所求晉國之田四萬
畝不如庭戶藏丹丘

觀誦淵公詩畫作

竹冠道士 觀湖

文理閱天地高厚生奇能肖之苦不得言之苦不勝

何以瞿劬子筆墨相準繩舒情總物類搜變通雲蒸
使我動心目悠然忘寢興

乙巳至日瞿山展列仙圖視海陽海陽愧也已
而蹶然泰清紫虛不甚相遠瞿山宿稟仙才加
勤道力揖讓南宮等閒事耳因共酌酒而海陽
爲之歌

觀湖

誰分清濁生天地大道渾圖作根蒂人物縱橫天地
中壞成生死齊遷易古聖人知天地先能操動靜陰
陽權驅合乾坤紐日月一爐煅煮真雲煙復得乾元

返真一丹陽赫赫非凡質白虎蒼龍自在騎九萬里
風來往疾太乙煉已還煉形母搖爾精以勞生鉛刃
及耕駕朱鳳已日乃孚憑甲庚玉液金液從此始聖
聖相師相繼起廣成傳授鼎湖飛洩盡伏羲深妙旨
太上停牛重著書翀舉迄今三萬餘拔宅白晝者八
百若我隨塵果不如我愧逢師二十載欲覓神珠少
滄海竟與當年抱朴同仰天終日歔歔待忽歌忽笑
瞿劬家圖開滿袖霑煙霞眼看莫逆意已得恍惚動
走空中車圖中之人原不死聲容萬古青霄裏散而

爲氣聚成形成形塵世堪誰喜瞿山瞿山爾莫忘故
舊多存白玉鄉丹成控鶴再省識不須對影神飄揚

索瞿山佳畫

吳肅公 街南

世途冉冉競如織泉石煙霞到誰臆吳生痼疾天與
偏要欲買山錢不得滄波落日影茫茫月路鴻冥雲
吹黑颺颺四壁空琴聲時向畫圖生羽翼瞿翁指醮
林嵐墨百斛龍文飽涵汁光靄淋漓叢露曉溪藤擬
餉蓬蒿色浣花村樹花千朵陶家垂柳晴陰鎖鵬飛
鶴渡孤山秋將毋一壑堪容我不然天矯天都松風

雨蒼鱗纏磳砢廬瀑湘雲閣枕邊剩水殘山奚不可

奉答梅四表祖瞿山

曉原蔡 瑤 玉及

我之曾祖母實惟公之姑五世爲親交往還畢歡娛
憶我童稚時從我先父趨朝揖公庭上暮戲公庭隅
公時侍曾舅弱冠成大儒鯨轉海瀾紫隼舉秋天孤
廿年值喪亂山澤遙奔徂存亾兩相隔長望同躊躕
我復罹禍殃零落同枯株一卷空隨身轉眼家園殊
公乃展勁翮颯然揚天衢艱難紹先緒豁達取長途
大業偉然起千秋以爲圖春風宛城東垂楊拂長渠

開軒淨鳴琴移舫散飛鳧撫膺念故舊南郭時相呼
牢落我已忘爲我重嗟吁剪拂豈敢辭自問慚霑濡
坐公青藜閣盡公白玉壺聯吟引畫燭持贈邀昆吾
昔遊宛復存浩然慰居諸繼世交所難積惠併一軀
慷慨陳詩章攬衣起菰蘆

過瞿山舅翁留酌

徐 鎬 子陶

十年惆悵別都官秋晚經過憶舊歡筆墨債酬簷日
短菊花杯柰故人貪驚君江表詩名盛老我山中雪
鬢寒酒態莫嫌仍似少窮愁此外藉誰寬

秋日入宛別後寄瞿翁

徐 鎬

桐川踪跡離宣州雲樹新秋過北樓悵別矧仙忻乍
見欲教詩酒暫淹留茶瓜晚苑遲清讌書畫疎簾足
臥遊慚愧舊山歸去速題詩相送寄無繇

放歌行奉贈瞿翁先生

西干袁啓旭 士旦

旭也生年二十五生計蕭條守環堵壯懷不敢譚向
人那復鷄林誇繡虎鉛黃日把離騷經一讀一酌不
會醒悲歌撫長劍彳亍循空庭青藜不照繙經閣丹
轂遑問艸元亭前途欲進不得進十載棲遲慨貧病

單衫負日約長縑破帽愁風欺禿鬢蘭漿棹秋風時
邁郡城東把臂曉原子邂逅瞿山翁瞿翁風流一時
絕髣髴山陰晴後雪玉樹流光照蒹葭快譚歷落飛
瓊屑羨君高臥百尺樓羨君座客如瀛洲墨海雷雨
秋颯颯畫堂雲木風颼颼絲筆憑凌不可有坐來逸
興生兩肘片紙幻出虬龍蟠白石蒼松落吾手君軒
車我鶉結慷慨相逢無促戚撫君筆對君歌男兒生
不成名將奈何珠玉在側愁爭多天路胡寥濶龍門
復泱泱着我凌雲冠策我遊仙杖驅光逐影窮蒼蒼

從君一往青霞上

庚戌秋日於老友俞澗影家賞識梅瞿山畫遂
發爲歌意欲轉乞以爲傳珍

鳳岡袁景行

瞿山曠世才聲名轟若雷贈滿天延閣維余慚後來
聞昔詩難兼畫畫難詩梅侯絕妙兼有之千層萬層
隨意得十日五日亦何爲君不見海內辭人北樓裏
懷梅直同懷謝李我羨丁溪老友汪晨夕探奇胡不
喜前年持筴畫滄浪貽余命作良賈藏於今展玩閱

三載披拂清風風且香昨覽澗影父書圖山欲雲兮
水欲呼手把一尊叫古人道子摩詰未爲孤因思余
家接武鳳岡西梧桐幾樹匝雲迷若得瞿山一尺素
梧桐生矣鳳必啼

雪後喜瞿山先生見過小飲分賦

水西方 漢 漢章

畏人成小築牢閉白雲隈不謂詩兼畫能逢雪與梅
譚深忘促膝寒極各貪杯未忍遽分手臨岐別幾迴
奉贈瞿山先生

西粵僧超濟 石濤

江東達者人共傳瞿山先生思渺然靜把數編朝隱
几閒攜卮酒夜移船已知詞賦懸逸賞好使聲名謝
塵埃我欲期君種白蓮攬衣直出青霞上

題瞿山四叔詩卷

姪文名 夢鹿

都官之後誰可數石室居諸踵其步我來平綠閣中
聽忽復宮聲起風雨起衰振藻意何勤詞客紛紜總
讓君更向尊前看醉墨輞川飛瀑敬亭雲

喜瞿山四叔見過貽詩次韻奉畲

姪嘉實 澹如

飄蓬六十始歸村世業凋零久不存却掃旋教開竹
徑長吟聊復緝衡門耕隨農圃供家食宦剩餘年抱
子孫何意軒車還至止悠然竟日問琴尊

其四長安行呈贈瞿翁四叔先生 有引

叔氏淵翁高才而優於學雋聲清劬如矯矯
長離籍甚海內者二十年所吟咏最富工晉
唐書法精大癡雲林諸家筆意人爭求之不
能得也丁未春公車長安又報罷詰朝走馬
浩然歸也然叔豈困公車者覲久從叔氏遊
頃送行長安道上敬歌以贈之覲稱詩嘗歌
長安行者三茲仍次
之於篇是以四之

姪

覲

清老

浪跡長安市生是高陽徒日日痛飲酒家胡沽酒無
錢日解襦仰天放歌長安行手揮如意擊唾壺座逢
燕山碧眼客睥睨獨酌上頭居聽歌起前席拂生頷
下鬚受讀新歌歌復讀詫言高陽何其殊忼慷風塵
中跌蕩遊江湖揮觴莽四顧咄哉無拘拘生亟停杯
再肅客客言毋乃真狂迂生家遠在江南隅一門辭
賦冠東吳弇州先生常賦贈吾家樹樹梅化株若生
之比亡足數廿年四海良自苦白首恨一無成名縱
令悲歌泣如雨噫吁嗟乎客汝胡不遊吾松竹諸子

紛紛鸞與鵠就中叔氏最風雅厥字淵公人如玉客
請勿復喧生爲歌其詳吾叔風雅詎能量湛若雙瞳
照秋水神童譽起如干將小小不肯同儕俗讀書奮
志青霄翔自稱吾是子真裔徘徊瞿矍石室傍披裘
坐撫一片石揣摹今古窮三倉青玉案烏皮几吐盡
平生羞自喜折釵書翻白練裙苔文價重剡藤紙有
時解衣一磅礪條然獨上天延閣卷綃寸武起雲濤
濡毫卷石貌五嶽世儒沾沾奚足云新詩膾炙海內
聞聞者人人通辟易皆云叔是魏晉人君不見叔氏

計偕天闕裏叩門問字無停晷所謂伊人洵鄒枚不
爾才名那得此客聞生言驚絕少頗愧從遊交未蚤
相將叩之披春風執手歡然已絕倒依依涉江芙蓉
舉的的采珠明月好叔也謝客忽踟躕金門棄置猶
公車誓策疋馬返田廬山水作計尋歡娛區區才名
胡爲乎客言毋乃果狂迂客再聞言稱不朽將生典
衣沽美酒稱觴前致詞勸叔傾百斗君不見

今皇策士瀛洲開臨軒往往需鄒枚雄才况是鄒枚
儔瞬眼三載風雲來叔且醉酒休疑猜六月縱暫息

萬里非遲回吾叔豈久滯計偕生作歌客頻催叔且
醉酒休疑猜歌一曲酒一椀

醉月樓看雪和瞿山先生韻

姪文鼎 定九

霽雪曉山浮輝光併一樓百壺真不醉十日總堪留
過眼成佳句當軒足臥遊剡溪逸興在不負此中幽
長安春日過瞿山四叔邸舍有感卽事賦呈

姪本立 卓公

屈指三年別步兵相逢此日倍關情書傳老母眉雙
歛話別貧家酒共傾女嫁男婚愁未畢潘輿陸橘意

空縈苦言藥石尊前贈敬佩恩私百感生

二

萍梗浮踪性桂薑掃門彈鋏豈吾長觀身自擬同焦
尾問世誰知盡太行鬢改隙駒驚歲序時危畫虎愧
行藏回思尊酒論文日林竹翛然彼一方

敬誦瞿山叔祖詩有作

姪孫尚實 仲宣

敬亭山青青若綺大雅於今復誰是鹿裘石室冷朝
霞天延傑閣凌溪水先生有才追古人先生逸興耽
蓬瀛長歌短句遠相示披襟細讀雲煙生此日沈吟

差快意轉念追隨托遙寄蘭亭白社好相求一卮明
月長同醉

送瞿山四叔祖公車北上

姪孫以俊

子彥

匹馬起江城江雲動漢京文傳過秦論人識下帷生
濟世元能事逢時合大名君看漸遠者風翮亦何輕

二

籍甚家聲在崇文方及茲詔開東觀閣首倡栢梁詩
起步春星近揮毫掌露滋早聞楊得意薦達以爲期

天延閣集成賦呈瞿山四兄

弟夢鞞

季赤

不盡名山計今知大雅音建安元獨步江左自遙心
逸調援琴合幽芳入抱深何當池艸思猶向惠連尋

題辭

乙巳冬吳越知名之士數輩咸集於宛競謂敬亭名
勝儼於蘭亭梓澤遊其地者曾不一褰裳濡足將毋
令千載上笑人寂寂耶於是梅子淵公耦長沈子方
鄴奮轡先驅載油囊挾膝箱要諸君子爲信宿之遊
僕以衰蹇不果行迨歸而以倡和詩一卷命僕叙以
傳之叙曰敬亭之名以太白傳其來舊矣夫太白自
夜郎還一落魄之羈人耳叩屐所至輒能使僻壤山
川雄視縣寓人之足爲地重也如此太白往矣迄今

千有餘年太白之名不朽敬亭亦不朽則衆鳥孤雲
之句留之也使當年漫無題詠不幾與荒丘廢榭同
其湮沒歟今諸君子後太白而登此山其俯仰流連
曠世同調至於唱酬之什諸體咸備無境不臻以眎
寥寥一絕豈不更稱壯觀哉二梅夙有顧陸之癖或
當仿西園軼事繪染成圖而方鄴儼與公後序勒之
巖石間亦他年郡乘中一佳話也耕鳴老人唐允甲
識



敬亭唱和目錄

五言古

梅淵公原唱二首

蔣大鴻和二首

鄒訐士和二首

七言古

陳散木原唱一首

梅耦長和一首

五言律

沈方鄴原唱二首

汪蛟門和二首

賀天士和一首

梅素五和一首

七言律

朱潔湘原唱一首

白祗常和二首

楊天培和一首

蔣左箴和一首

五言律

蔣大鴻原唱一首

七言律 鄒訐士原唱二首

五言絕句 蔣左箴原唱四首 陳散木和二首

梅淵公和二首

七言絕句 賀天士原唱四首 梅素五和二首

詩餘 陳散木原唱三首 鄒訐士和三首

梅淵公和三首

敬亭倡和集

五言古

冬日招同儕李朱潔湘楊天培五琅陳散木雲

間蔣大鴻蔣左箴丹陽賀天士毘陵鄒程村白

祇常廣陵汪蛟門同郡唐耕塢沈方鄴家素五

耦長敬亭山讌集分體 宣城梅 清 淵公 瞿山

良約既已逾出戶不可得經旬積寒威天南勝天北

破凍招同遊為歡必努力詎知出郭門冬曦放春色

嵐光一以開相看與何極始信勝友聚天亦助登陟

初言吟和集
寒裳山水間此意吾徒亟古徑雖崎嶇眼中掃塵域
千峰真故人迎我如相識登樓一長嘯凌空儼生翼
群公命世才到此念棲息醜酒呼古人悠悠渺難卽
古人豈遂遙今昔互相憶孤雲自南歸徘徊宿巖側
向晚一聲鍾諸天乍昏黑

是夜同諸子宿巢雲樓次早方鄴耦長載酒重

游復得一首

暝色冷千山樓空一何有秉燭縹緲間雲氣虛相受
酒闌各唱酬新詩李謝後一唱再三歎山靈吾左右

夜靜百慮消心清見高厚始覺我生勞天地此中久
未曉聞鳥啼靈境空濛剖變幻起朝烟下界唯培塿
惻念塵中人斯時盡趨走畱此半日間浮生亦非偶
行厨薦老春甕頭携數斗相看既不厭况復皆老友
何當十日飲飲盡山中酒惆悵踏歌歸十步一回首
翻怪入城來無端忽分手

和梅淵公招遊敬亭山讌集 二首

華亭蔣平階 大鴻

臨春旣已摧凌敲復云燼獨有敬亭山千齡名未隕

嘗吟李侯句臨風託遙引茲來渡宛溪青山相藉枕
停驂數問津輕嵐迎禎祗道逢湖海人因得交梅沈
載酒待良辰招尋獲所允鄒賀徐復來嘉賓紛接軫
時維沍寒月百卉淒以凜長空積雪消浩蕩天雲盡
搜羅志乘竒披瀝巖扃蘊挹瀨淪靈滋奉芳拾芝菌
便欲凌丹梯釋此區中憤微言趣已超揮盼興無窘
斯遊不竭歡將爲山靈哂

嘉招兼卜夜達曙不知疲褰裳納晴籟倚檻弄朝霏
興言更洗爵宿醉未勝衣山光日以新變易在須臾

玩之無定態攬之有餘輝主人交勸酬衆賓亦忘歸
歡娛在永日百技無不爲茲山昔日遊昔人今則非
虛名復何益卮酒安足辭揮手下山去相看無盡時

和梅淵公招遊敬亭山讌集之作用原韻

二首

武進鄒祗謨

許士程村

歲宴惜短景布帆掛未得良友折柬招城南過城北
探竒愜素懷濟勝恃我力山蒼雖一形雲湧或殊色
曲折石磴旁平楚翠未極杳窅越松杉跬步信高陟
紺宇出竹間倦憇憑欄亟俯窺萬井麗江城知勝域

好鳥不遠飛麋鹿意相識層房結構佳參復振綺翼
狂歌呼謝李佳人斷消息遙望麻姑壇鶴鸞杳難卽
翩翩欲言旋青山恐見憶舉杯屬浩渺醉臥寒苔側
天際吐纖輝蒼崖半翳黑

登臨豁百憂禪悅息萬有盤桓山水間所得信良受
古人不見我肯居古人後芳耐陳當前佳炙置坐右
况逢賢主人此意良慰厚空山無巖更班坐不知久
清譚旣斐亶疑義互擊剖天鷄忽一唱諸峯覺培塿
旭杲散蒼霧颺颺避人走更期恣幽探策杖結佳偶
山中歌白石水邊唱銅斗北山與南湖招隱俟邛友
着盡幾兩屐傾殘百榼酒惜別翠雲鬟林樾數矯首
何當誇太白敬亭落我手

七言古

冬日梅淵公招同諸子游敬亭山分賦

五琅陳世祥 散木

八月初六月如鈞乘秋曾向敬亭遊晚風吹客下山
去桂花滿路心淹留却到仲冬還作客主賓聯袂來
城北旭照光搖四野晴澄空雲染千峯色煮酒樓頭

夜放歌酒徒爛醉舞婆娑浮雲看盡山如昨瑤草依然句不磨明星歷歷披衣起麻姑日曉頗黎紫萬頃蒼茫隔世塵白龍黃鶴猶糠粃我輩棲遲莫怨嗟古人彊半逐天涯退之太白亦爾爾但須有酒能相誇今來懽聚况非偶名山已屬吾曹有天語可聞霄漢親丹梯直上雲霞走憑闌矯首天南端華陽千仞雲千盤栖靈託異事已杳日月迅走飛雙丸素瀑淙淙群壑赴鏗珠戛玉凌寒渡餘興還思境外竒忘歸不記山中住南湖烟冥落日黃四山猿嘯星垂芒他時

回首霜風裏好詠新詩更舉觴

和前題

雪坪梅 庚 耦長

一冬凍極轉無雪菜甲麥苗乾盡折酒樓雖近不敢窺市上冰多行蹙蹙自交臍月天氣新林暄谷煥如初春參差梅蕊啼百舌且向昭亭讌衆賓衆賓彩筆健如虎昭亭片石同天姥聯臂初逢舊酒徒投轄還爲新地主到來直上謫仙樓銅槃絳蠟紅玉甌興發便爲鸚鵡舞酒乾那惜鸚鵡裘夜轉高寒宿天闕霜林遠水明如髮酒醒禪房聞妙香又見峯頭吐新月

仲秋宿山 新月才餘一度圓
過眼流光劇可憐
青蓮寺值新月 黃蘗皆已矣
神仙富貴真徒然
百年幾處開笑口
明月當頭杯在手
人生只合誇身強
不飲安能待身後
回頭笑語平生親
賤子短歌儻有神
他時縱對如灑酒
冰雪連山愁殺人

五言律

冬日同諸子遊敬亭山分賦二首

姑山沈

泌方鄴

黃葉丹巖路
昭亭此共登
雲烟空古佛
觴咏得良朋

梅蕊凍還放
江光晚更澄
勝遊殊未足
明日興堪乘

其二

丘壑東南秀
賓朋吳越多
相期間松桂
携手入煙蘿
對酒豈不樂
臨風一浩歌
此中堪大隱
俯仰意如何

和前題

廣陵汪懋麟

蛟門

舊遊經兩水
再渡認雙橋
細徑沉蒼靄
危峯透碧霄
幽懷常獨往
逸興幸同招
十里看山路
藍輿去未遙

其二

何地舒青眼
相看只白雲
登臺須縱酒
懷古莫論文

萬壑摧殘葉孤城送夕曛回頭聞旅鴈客思正紛紛
和前題 丹陽賀 宿 天士

千載昭亭在人今不厭尋看山當絕頂待月正踈林
渺渺清溪遠暉暉落炤深謫仙難再見把酒問浮沉

和前題

楚山梅

素 素五

十里招埤境千年李謝蹤空山橫積靄絕壑隱踈鐘
院靜惟馴鴿潭清有蟄龍平生契泉石蠟屐許相從

七言律

冬日梅淵公招同諸子登敬亭山分賦

桐鄉朱萬錡

絮淵

孤城北望舊占星有道相呼入敬亭檻外川光千派
合樓中山靄半天青前人高唱風流去幾點平原艸
樹零野老何時更英絕六朝影裏數杯醒

和前題

武進白彥良

祗常

倦游無事借山游路入昭亭杖履幽况有主人能載
酒更兼詞客共登樓松筠俯仰留寒色烟靄蒼茫失
遠洲讀罷殘碑懷往哲吾徒落落許誰儔

其二

丹樓縹渺倚層巔選勝相携促綺筵賓主敢誇吳越
秀風流猶憶晉唐年雲來遠岫飛無定鳥語空林響
易傳此日壺樽傾倒極擬將新咏荅青蓮

和前題

構李楊自發 天培

殷勤投轄未離群且復高譚送夕曛脫帽啣杯林外
洽題詩刻燭坐中分醉來共捉山頭月欲住同眠嶺
上雲曲裏梅花吹出塞可隨清嘯落紛紛

和前題

華亭蔣無逸 左箴

新開官閣好登臨謝李祠堂萬木陰爲羨才名留勝
地敢從異代托知音啣杯樂聖風塵息坐嘯空山歲
月深不惜當筵歌絕調他年有客重相尋

五言排律

冬日梅淵公招同諸子游敬亭山分賦

華亭蔣平階 太鴻

江左風華地曾聞南豫州山開宛陵郡人到謝公樓
賞事諧同好奇懷入冥搜雪消千障曉霜淨萬峯秋
此日照亭路言追李白遊烟巒在人境城闕近滄洲
倚杖晴雲合停軒翠靄流林空人跡少徑轉谷聲幽

落葉迷雙屐寒香染客裘山農相與狎樵者自爲儔
半嶺窺諸界層崖踞上遊龍藏開士宅鶴度羽人丘
飛棟凌青漢危欄俯綠疇憑虛堪坐嘯乘興可忘憂
酒榼呼猿進山厨倩鳥收笛中花自落杯底月初浮
秉燭頻移跋添觴每借籌披圖託僑札欲買待巢由
剩伎通遊聖餘波問督郵乾坤同野馬江海一沙鷗
漫續當年句名山主獻酬

七言排律

冬日梅淵公招同諸子登敬亭山分賦十六韻

毘陵鄒祗謨

許士程邨

良辰折柬邀游覽勝侶追隨入畫圖策策芒鞋徵素
尚纖纖落葉掩脩途迎人翠麓多縈折夾路蒼髯遡
有無指點山川知絕妙較量筋骨果誰逾攀援不恃
鳩頭杖縹緲還求鵲尾爐遙聽風篁耽窈冥幽棲石
磴愛崎嶇魁颯巧作飛騰捷杉檜留成蔭菱須碧瓦
朱欄穿竹見赤髭白足對松趺萬家城郭當窓出幾
道溪流似練紆祠拜青蓮巖壑古剎尋黃蘗井泉枯
半山鐘鼓沉沉動滿徑苔花細細鋪更喜歲寒逢惠

景應知天意聚吾徒汪倫愛客情偏厚謝眺驚人句
待呼凍汲銀餅烹淨茗膾飛素縷試行厨山靈響答
詩千首地主留連酒百壺我似少陵長作客玉盤重
洗整歡娛

是日宿巢雲樓曉起赴方鄴耦長小酌同步入
城復得十六韻

客游山水每經年爲愛看山意惘然着屐不隨黃葉
散開襟欲向白雲眠夕陽紫翠紛紛變晚景穠纖處
處妍徒倚樓臺過落日憑陵墟落散寒烟重燒絳蠟

傾千醞且把金樽擲萬錢艸閣鷄聲喧倦客松窓鳥

噪攪棲禪起聽梵夾清音永閒展牙籤妙蹟鮮

時方鄴以

藏卷

相示山榼攜來隨合沓淨筵酌處更纏綿幽尋古寺

清香閣暢飲新筍白玉泉勝地幸隨良友集狂名肯

讓古人先無雙老手爭高唱三百深杯傲謫仙野鳥

喚人瑤席外山僧送客翠鬟邊浮屠對蠹迴荒徑畧

徇遙橫過石田竹杪轉看雲漠漠松根細矚水濺濺

朔風吹鬢梁園侶永夕浮觴鄴下賢此會何時還再

續新詩取次任流傳

五言絕句

雲齊閣

華亭蔣無逸 左箴

攀蘿懸絕磴縹緲立層樓檻外諸山色冥冥空翠浮

巢雲樓

梵室壓山阿安禪似鳥窠上方鐘磬裏響落白雲多

金鷄井

聞說千尋井潛通出鄧林五更山欲曙猶聽寶鷄音

虎窺泉

苔液與雲苗涓涓流石竅其聲夾松濤行人疑虎嘯

和前題 二首

巢雲樓

五琅陳世祥 散木

松檜已摧枯孤雲巢不得縱目望南湖新月湖光黑

翠雲庵

山色曉霏微結此空中翠煮向越甕鮮應解孤雲味

和前題 二首

雙塔

宣城梅 清淵公

古瓦層層爛荒樨片片懸如何雙壁立終古破青天

翠雲庵

霧氣拂還流嵐光吹不碎恍將出岫雲染作空中翠

七言絕句

冬日梅淵公招同諸子登敬亭山分賦

四首

丹陽賀

宿 天士

小寒天氣似春初攬轡同登願不除千古昭亭多勝

賞宣州城北近儲胥

五賢祠內共徘徊山外靈旗夜夜來春雨秋風吹不

盡殘碑歷歷臥蒼苔

丹梯宛轉出山巔千仞牽衣意惘然多少詞人來索

句不知誰是李青蓮

惜別青山首重回當筵客散復啣杯頻呼李謝今何

在唯有閒雲自往來

和前題

二首

楚山梅

素 素五

雲齊高閣鬱巍峩有客今朝載酒過竟日飛觴還卜

夜不知星月掛藤蘿

落日啣山山更幽幾人着屐漫淹留名山偏與詩人

借剪燭松窓好唱酬

附詩餘

冬日同登敬亭山讌集

五琅陳世祥

善百散木

定西番

鎮日樓頭相對鋪月淡著雲輕枕前橫
踏向稜稜
冰壑冰泉流暗聲三尺籬松剪剪似籬僧

剔銀燈

趨得晴郊淡蕩未便許風妖雪晏一線湖光四圍林
影襯出晚霞如絳扶筇山頂便摘取絳霞爲釀
就問天奇唱直喚醒古人無恙刻燭詩成傾瓢酒竭

我輩狂來差壯明朝重省更笑倒真狂非誑

多麗

試放眼此地名山多少儘古今酒徒詞客奇懷着意
搜討倚高樓無言靜對伴孤雲看盡飛鳥落照金波
初瞰翠霧一彈指頃人間昏曉起高歌四山響徹葉
下寒林悄休回首青蓮陳跡余懷悽渺
嗟醉裏江山還大醒來天地都小便醉向青山埋骨不足以娛
吾身老且與諸公同傾酒醞樂游無負風光好下山
路冷雲斜日十里田間遶偶然事使後來人羨此鴻

爪

前題次韻

武進鄒祗謨

許士程邨

定西番

無數暮青凝綠暮鼓急晚鍾輕把杯橫
一徑山寒
樹靜歸鴉噪
暝聲彷彿斜陽影
沒見歸僧

別銀燈

我輩風流放蕩常指點古人多妄白
塢紅亭幽龕別
戶不藉重重紗
絳振衣千仞欲倒就南湖成釀
恰
喜求羊賡唱試問取山川無恙飛路盤空長松直上

此際烟霞偏壯不厭相看纔信得青蓮非誑

多麗

問昭亭故蹟遺留多少有良朋青鞋布襪穿雲爛熳
尋討愛蒼霞翩然放杖仰層峯高掛啼鳥碧瓦朱欄
飛樓湧殿夜遊秉燭催觴到曉步荒祠欲呼謝李冥
冥蒼苔悄凌風去齊州九點長空飄渺但絕頂翠
微未上夾路蒼髯猶小問重來追尋竒趣丹梯那便
龍鱗老躡躑歸期安排詩律破除萬事深杯好更回
首白龍黃鶴仙迹天南遶峻嶒處石聳遺壇麻姑仙

爪

前題次韻

宣城梅

清

淵公

定西番

笑兀飛樓同倚蒼藹澹絳霞輕鴈行橫
谷裏何人長嘯空中忽有聲轉眼諸天路黑斷歸僧

別銀燈

郭外朝暎駘蕩任蹀躞谿邪路妄雙堦凌空一峰插
漢縹緲岑樓如絳居然蓬島儘呼吸瓊漿僊釀
千古才人高唱剩只有孤雲無恙黃蘗禪枯青蓮韻竭

此日風流堪壯及時行樂試回首余言非誑

多麗

山意冷着眼游人多少讓吾徒酒逋詩債落落還來
探討况千峯嵐光翠霽更迎人數聲啼鳥綺閣偕登
羽觴競勸猛拚一醉何妨曉聽疎鐘上院初撞轉眸
諸天悄愁無定片雲孤下行踪渺渺
正黃昏梵音寂起烟裏禪燈乍小誰消受尊前竒趣勞勞空向風
塵老倡和聯朝推敲竟夜淹留只覺山中好問何處
吳山越水萬里川原遶休悵望遼東白鶴攬樓仙爪

天延閣聯句唱和詩

八月十二夜集天延閣聯句

陳世祥善百玉露
湛斯沈泌方鄴鍾

允諧予夔梅清淵公梅素素
五梅庚子長用六月全韻

高秋聚良朋氣與烟雲發閣敞延清虛世天空亘嶼

岫女墻絳蝶竦露官樓紫窳翠鈎斜交遠畦清蔽虧

帶蒙樾曠觀聳五尋允諧新構盈十笏文壁銜金虹泌

雕梁鏤玉鸞孤空納沆瀣庚百里見毫髮柏枿嵐正

浮素鼇峰光未沒身輕接縹緲露目縱領超忽乍暝

羣動收諧驟寒衆芳歇暑徂火扇流素霧淨風初揭

遠刹撞昏鐘清嚴城閉高閣分明烏鵲橋泌窈窕蟾

蜍窟輪非三五盈祥弦疑二八闕挈幙會須脩庚操

斧未堪伐月魄正當樓清樓心恰邀月於時四字澄

露頗覺群興浮雷轟劇喧歷素羅列詫倉猝蚶蠣漬

梓杆庚狸麂紛肴核旋劇玉腮鱸泌更翦紫拳蕨筍

脯薦春羹諧莠醬開各醇清齊酒有醴祥饌饌麩無

麩筵徒華燭燒素觴遵金谷罰博齒課臬盧清陣拇

嚴剗別輪攻旬神鉦庚墨守植文戢猛者力搏象祥

孱焉形什壓玉斗舉冑辭泌銅鎗呷難竭其勁颯鑑

錡庚崩崖樹無杙其莽海澎湃諧攬川流溢漚有時

吞長鯨清有時吸短蠖憊氣震鄰圉露餘勇掃羸卒

清鑑展軸函素旁搜到碑碣細研荆關斲諧勁辨顏

柳骨縹囊官錦殷泌素盞哥窰滑古烟蘇合漉庚玓

玉昆吾刷駿圖嘶驪騏祥獵障走獫狁戲犬晉清泰

番馬唐回紇宮壺范盃甌泌姜鈿錯輓輒越冶相甌

劍鞞圭剝漢鉞對此重摩娑素聞昔最超越擲傭付

練染遭燹委楫楸班班各爛然祥一一見貽厥撫景

惜堂堂憂生怪咄咄木陂荷長鏡庚瓜畦疏暗場移

藥洗花床蔣蘭護根坐可憐蓬梗飄祥同此霜蹄蹶

檄信陳琳工口還鄧艾訥沈郎移革帶清梅尉寂鳴

鐵華胄遡鍾繇露健筆數王勃瘠自謂山癯諧肥寧

等瓠臍阿士盡崢嶸清誰儻敢齟齬險韻孽字闔祥

勃敵吹疵彪或如葉咀蠶素或如艸起鶻或如雲蜿

蜒庚或如風勃宰怪語叱軒轅泌逸氣掣溟渤折肱

孰能之祥聱牙我當日十重圍火攻庚五字訟面訐

才穎發新硯清途窮忍枯槩且與樂沉冥焉能事干

謁黃河瓠子歌祥白晝虫尤孛支祁蕩汴淮聆隧燎

閩粵叩閭閻闔遙庚垂戎象緯悖舖糟彼汶汶濡首

咸汨汨觴政夜闌弛諧醉餘談鋒笑脂轄索井投載

鋪就陶掘繁間鸚鵡舞泌礎傍花奴羯叫叩髻脫幘

爬搔脚不韞山桂香葳蕤庚海棠睡恍惚狸嗥動客

嗔鼠墮遭童粹涼響饑蛩號清嚙語鷓鴣笑詩沉月漸

微茫曙星倏笑兀極樂初忘疲素就眠深覺矻良會

在中秋重期汎寶筏庚

八月十二夜諸子集天延閣用六月全韻卽席
聯句時陳子散木將歸廣陵余復舉前韻弁誌

王別懷

瞿山梅清淵公

秋氣真悲哉悲歌何處發諸公聚聯翩野老留倉猝
昨日昭亭游芳尊酒荒崖今朝東郭行艸閣凭寒樾
偃仰久半區縱橫只數笏一牀書未收五字吟方歇

和敬亭詩

把手情正殷相看興齊淳壯哉孔璋才錯擬子

雲訥自是腹便便非緣口咄咄鄰比沈梅親

謂方鄴子長

社樹鍾王版

謂湛斯子夔

門內愧機雲眼中掃齟齬雨餘

殘暑消風乍新涼揭疊嶂暝宮衙三峯看營際逶迤
百雉昏浩淼雙虹沒漁市火熒熒桑田烟汨汨披襟

攬滄洲長嘯驚蓬關兔影望徘徊蟾光動恍惚少焉

吐綠烟蹴爾凌青翠弦控二六虧輪輪三五越驟疑

紈扇斜轉訝簾鈎突林下剛七人秋分正八月人逃

月在樓月瞰人離窟掩映海棠幽朦朧山桂辭淒淒

催砌蛩匝匝驚霜鶻庾亮昔飛揚南樓此飄忽丈人

且安之賤子致辭曰如此夜可憐忍教時遂忽擊來

臘甕看頗覺春香濕請暫放雙眉毋勞搔短髮家貧

任有無市近免趨蹶嘉客足歡娛蔬餐恐擔挾杯慚

紫玉英壺遜青田核稻蠟持未肥蓴鱸膾差膾生烹

西澗葵老剪南山蕨落筍蒟漿空懸匙薏米滑觴飛
北斗垣令授中原鉞儼若列公螯居然行剗削尊空
客可呼甕倒主仍罰客固無嫌疑主何有駘脆維時
月逾清轉覺人逾勃婦也還謀諸奚奴更呼厥餘尊
繼濁醪軟飽勝麤麩逸興托笏搜珍藏向予許舊貽
兵燹餘已半沈骨柎新購塵土中遺亡出朱閥宗工
判朔南粉本分芒芴神手獵射圖畫驄不畫獨先朝
邊呂師畫鳳不畫鷹剪燭辨唐絲篝燈磨宋碣烟何
吳谷縻篆豈秦斯刷假此結綢繆非云何矜伐詩懷

忽湍飛吟膝爭搖抗韻叶七十全句聯百四竭斑斑
爛似霞泠泠清於骨唱和律都諧推敲色寧艷須臾
月影斜繚亂雞聲悖游子起彷徨歸途憂砣砣羣公
亦躊躇離緒同惛惛竹舫意棲遲江楓想窳窳水滄
河岸城風颭淮堤塌曉望曉天鴻暮愁暮夜蝸崗巒
接白狼潮汐連青渤閉戶賦歸來何門可趨謁茫茫
南北天沸沸東西粵大海斷浮楂五湖迷釣筏尋山
須鹿裘訪古須芒屨志豈傲田廬吾甘老畊垆狂誰
燕市徒隱獨吳門卒殘夜共沉陰諸天迴硯砣君歸

憶此樓瞿叟正兀兀

敬亭唱和詩

辛亥季秋梅瞿山招同唐耻莪高阮懷丁聖音

梅耦長宴集敬亭山分賦

營山張羽皇

菊水

登臨夙所好况復友人招山游期明日蠟屐起中宵
凌晨出郭門薄霧未全消秋風自西來高樹蚤鳴條
仰首眎浮雲樓閣聳丹霄古木何叢蒼依稀認六朝
養力躋其巔庭宇空寂寥謝李久不作風流日就凋
臨眺豈無人所志苦不超而我同遊者意氣悉雄豪
才子金閨彥將軍漢嫖姚展席俯平川風景何蕭蕭

兩水流日夜衆山若波濤對此傷客心曠望非逍遙
大雅行當繼斯事在吾曹努力崇元音空谷聞蕭韶
放浪山水間胡爲車馬勞

梅瞿山招同唐耻莪丁聖音梅耦長陪菊水張

公敬亭山讌集分賦

遺山高

詠

阮懷

名山擅靈異負郭見嶮嶮謝李傳在昔游讌感自今
張公饒逸興枉駕暘深尋秋氣肅丹壑朝景曜陽林
原野始蕭瑟天宇曠且深緩帶躡良駟挾彈落驚禽
浩歌臨川詩周覽豈滯淫遂得披崇巖慷慨事登臨

目游境屢變磴危力不任紺殿映松山飛閣冠層岑
天風來虛徐憑高聆衆音遠江帶雙流孤城生夕陰
稱意命絃管清吹開煩襟縱橫翰墨間四座起詮吟
時菊紛在把良醞重獻斟相期敦微尚投分若兼金
何必息廬霍遐矚引遙心

前題

丁

宣

聖音

古人何曠曠登臨隨所至茲山得謝李高吟稱莫企
谿山原不改雲鳥依然遲久思一追攀所艱在同志
當此秋日佳好友期攬轡蜀客自多才朋儕興復恣

風清巖岫淨天空橫鴈字楓葉未全丹千松夾道翠
載酒上高樓樓高起遙視足底野雲生窗前烟霧肆
忽有片帆來隱隱樹中幟恍在翠微屏古人呼可出
自愧羈塵繼幽懷未易遂俯看數峯青揮杯同一醉

前題

雪坪梅

庚

耦長

山游展懽讌選勝得茲境出郭秋已深風日漸悽緊
祇林聳雙堦仙禽叫枯井空餘講經臺不隨荒艸盡
上客盛風流躍馬氣尤猛伊余戒前驅歷險步先窘
飛蓋已上方群公始接軫僧房架疊巘官樓懸絕頂

高空一以眺晴烟收四嶺俯視來路微迴眺孤城近
雙流貫其中林端見帆影從席坐前楹管絃自相引
清音動巖谷臨觴百慮靜謝李安在哉風期猶未隕
斯人亦吾徒方駕誰當並大雅諒在斯望之常引領
片言垂千春庶與茲山永舉酒起相屬毋爲後來哂
辛亥九月旣望同張公菊水高阮懷唐取莪丁
聖音家耦長敬亭山唱和分賦

瞿劂梅

清

淵公

放眼當空山秋光忽已老巖霜猶未零丹楓颯滿道

招邀及良辰踏閣出縹緲披烟一長嘯乍覺千峯曉
更眺額珠顛憑欄坐木杪灑酒百通過茲游獲幽討
畫裏辨江城一點孤旌小匹練隱雙溪朦朧翠微遠
輕風一以吹塵寰澹如掃昂首呼古人古人一何杳
張世曠世才落筆生天藻新詩和太白四座盡傾倒
孤雲從西來徘徊下巖表依依似故人解道新詩好
愧無黃鶴翼偕汝歸蓬島躍馬回孤城躊躇萬山窅

書